

T 2511

8243

晉 後 北 隋
魏 齊

外 戚 傳 一

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
SEP 1 1938

廿七之五

外戚傳第一

通志一百六十

晉

羊琇

王恂弟度愷

楊文宗

羊玄之

虞豫子胤

庾琛

杜乂

褚裒

何準子澄

王濛子脩

王遐

王蘊

褚爽



後魏

賀訥

杜超

閻毗

李惠

胡國珍

從曾孫長黎

乙弗繪

北齊

趙猛

姚黃眉

賀迷

馮熙子誕

高肇

楊騰

胡長仁

隋

高祖外家呂氏

獨孤羅弟善陀

羊琇字稚舒景獻皇后之從父弟也父耽官至太常兄

瑾尚書右僕射琇少舉郡計參鎮西鍾會軍事從平蜀

及會謀反琇正言苦諫還賜爵關內侯琇涉學有智筭

少與武帝通門甚相親狎每接筵同席嘗謂帝曰若富

貴見用任領護各十年帝戲而許之初帝未為太子而

聲論不及弟攸文帝素有代宗之義琇密為武帝畫策

甚有匡救又觀察文帝為政損益揆度應所顧問一事

皆令武帝默而識之後文帝與武帝論當世之務及人間可否武帝答無不允由是儲位遂定及帝爲撫軍命琇參軍事帝即王位後擢琇爲左衛將軍封甘露亭侯帝踐阼累遷中護軍加散騎常侍琇在職十三年典禁兵豫機密寵遇甚厚初杜預拜鎮南將軍朝士畢賀皆連榻而坐琇與裴楷後至曰杜元凱乃復以連榻而坐客邪遂不坐而去琇性豪侈費用無復齊限而屑炭和作獸形以溫酒洛下豪貴咸競效之又喜游讌以夜續晝中外五親無男女之別時人譏之然黨慕勝已其所

推奉便盡心無貳貳窮窘之徒特能振卹選用多以得意者居先不盡銖銖之理將士有冒官位者爲其致節不惜軀命然放恣犯法每爲有司所貸其後司隸校尉劉毅劾之應至重刑武帝以舊恩直免官而已尋以侯白衣領護軍頃之復職及齊王攸出鎮也琇以切諫忤旨左遷太僕卿既去龍憤怨遂發病以疾篤求退拜特進加散騎常侍遷第平帝手詔追贈輔國大將軍開府儀同三司賜東園祕器朝服一襲錢三十萬布百疋謚曰威

王恂字良夫文明 皇后之弟也父肅魏蘭陵侯恂文義
通博在朝忠正累 遷河南尹建立二學崇明五經南令
袁毅嘗餽以駿馬 恂不受及毅敗受貨者皆被貶黜焉
魏氏給公卿已下 租牛客戶數各有差自後小民憚役
多樂爲之貴勢之 門動有百數又太原諸部亦以匈奴
胡人爲之田客多 者數千武帝即位詔禁募客恂明峻
其防所部莫敢犯 者咸寧四年卒贈車騎將軍恂弟虔
字恭祖以功幹見 稱累遷衛尉封安壽亭侯拜平東將
軍事徵爲光祿勳轉尚書卒子士文
假節監青州諸

嗣歷右衛將軍南 十郎將鎮許昌爲劉聰所害虔弟愷
字君夫少有才力 位清顯雖無細行有在公之稱以
討楊駿勳封山都 稱公邑千八百戶遷龍驤將軍領驍
衛將軍加散騎常 侍尋坐事免官起爲射聲校尉久之
轉後將軍愷既世 以國戚性復豪侈用赤石脂泥壁石
崇以愷將爲鳩毒 之事司隸校尉傅祗劾之有司皆論
正重罪詔特原之 由是衆人僉畏愷故敢肆其意所欲
之事無所顧憚焉 又卒謚曰醜

揚文宗武元皇后 父也其先仕漢四世爲三公文宗爲

魏通事郎襲封務亭侯早卒以后父追贈車騎將軍謚曰穆

羊玄之惠皇后父尚書右僕射瑾之子也玄之初爲尚書郎以后父拜光祿大夫特進散騎常侍更封興晉侯遷尚書右僕射加侍中進爵爲公成都王穎之攻長沙王乂也以討玄之爲名遂憂懼而卒追贈車騎將軍開府儀同三司

虞豫元敬皇后父也少有美稱州郡禮辟並不就拜南陽王文學早卒明帝即位追贈散騎常侍驃騎大將軍

開府儀同三司平山縣侯子胤嗣胤敬后弟也初拜散騎常侍遷步兵校尉太寧末追贈豫官以胤襲封爵轉右衛將軍與南頓王宗俱爲明帝所昵並典禁兵及帝不豫宗以陰謀發覺事連胤帝隱忍不問徙胤爲宗正卿加散騎常侍咸和二年宗伏誅左遷胤爲桂陽太守秩中二千石頻徙琅邪廬陵太守咸康元年卒追贈衛將軍加散騎常侍子洪襲爵

庾琛字子美明穆皇后父也兄袞在孝友傳琛永嘉初爲建威將軍過江爲會稽太守徵爲丞相諮議祭酒卒

官以后父追贈左將軍妻母丘氏追封鄉君子亮陳先
志不受咸和中成帝又下詔追贈琛驃騎將軍儀同三
司亮又辭焉亮在列傳

杜乂字弘理成恭皇后父也祖鎮南將軍預父尚書左
丞相錫乂性純和美容有盛名於江左王羲之見而
目之曰膚若凝脂眼如點漆此神仙人也桓彝亦曰衛
玠神清杜乂形清襲封當陽侯爲丹楊丞早卒無男生
后而乂終妻裴氏發居養后以禮自防甚有德音咸康
初追贈乂金紫光祿大夫封裴氏爲高安鄉君邑五百

戶至孝武帝時崇進爲廣德縣君裴氏壽考百姓號曰
杜姥初司徒蔡謨甚器重乂嘗言於朝曰恨諸君不見
杜乂也其爲名流所重如此

褚裒字季野康獻皇后父也祖碧有局量以幹用稱嘗
爲縣吏事有不合令欲鞭之碧曰物各有所施掇椽之
材不合以爲藩落也願明府垂察乃捨之家貧辭吏年
垂五十鎮南將軍羊祐與之有舊言於武帝始被升用
官至安東將軍父洽武昌太守裒少有簡貴之風與京
兆杜乂俱有盛名冠于中興譙國桓彝見而目之曰季

野有皮裏陽秋言其外無臧否而內有所褒貶也謝安亦雅重之常云裒雖不言而四時之氣亦備矣初辟西陽王掾吳王文學蘇峻之構逆也車騎將軍郗鑒以裒為參軍峻平以功封都鄉亭侯稍遷司徒從事中郎除給事黃門侍郎康帝為琅邪王將納妃妙選素望詔娉裒女為妃於是出為豫章太守及康帝即位徵拜侍中遷尚書以后父苦求外出除建威將軍江州刺史鎮半洲在官清約雖居方伯恒使私僮樵採頌之徵為衛將軍領中書令裒以中書銓管詔命不宜以姻戚居之固

讓詔以為左將軍兗州刺史都督兗州徐州之琅邪諸軍事假節鎮金城又領琅邪內史初裒總角詣庾亮亮使郭璞筮之卦成璞駭然亮曰有不祥乎璞曰此非人臣卦不知此年少何以乃表斯祥二十年外吾言方驗及此二十九年而康獻皇太后臨朝有司以裒皇太后父議加不臣之禮拜侍中衛將軍錄尚書事持節都督刺史如故裒以近戚懼獲譏嫌上疏固請居藩於是改授都督徐兗青揚州之晉陵吳國諸軍事衛將軍徐兗二州刺史假節鎮京口永和初復徵裒將以為揚州錄

尚書事吏部尚書劉遐說裒曰會稽王令德國之周公也足下宜以大政付之裒長史王胡之亦勸焉於是固辭歸藩朝野咸歎服之進號征北大將軍開府儀同三司固辭開府裒又以政道在於得才宜委賢任能升進舊齒乃薦前光祿大夫顧和侍中殷浩疏奏即以和爲尚書令浩爲揚州刺史及石虎死裒上表請伐之即日戒嚴直指泗口朝議以裒事任貴重不宜深入可先遣偏師裒重陳前所遣前鋒督護王頤之等徑造彭城示以威信後遣督護麋疑進軍下邳賊即奔潰疑率所領

據其城此亦宜速發以成聲勢於是除征討大都督徐兗青揚豫五州諸軍事裒率衆三萬徑進彭城河朔士庶歸降者日以千計裒撫納之甚得其歡心先遣督護徐龕伐沛獲僞相支重郡中二千餘人歸降魯郡山有五百餘家亦建義請援裒遣龕領銳卒三千迎之龕違裒節度軍次伐陂爲石遵將李萑所敗死傷太半龕執節不撓爲賊所害裒以春秋責帥授任失所威畧虧損上疏自貶以征北將軍行事求留鎮廣陵詔以偏師之責不應引咎通寇未殄方鎮任重不宜貶降使還鎮江

口解征討都督時石虎新死其國大亂遺戶二十萬口
渡河將歸順乞師救援會裒已旋威勢不接莫能自拔
皆爲慕容皝及苻健之衆所掠死亡咸盡裒以遠圖不
就憂慨發疾及至京口聞哭聲甚衆裒問何哭之多左
右曰伐陂之役也裒益慚恨永和五年卒年四十七遠
近嗟悼吏士哀慕之贈侍中太傅本官如故謚曰元穆
子歆字幼安以學行知名歷散騎常侍祕書監

何準字幼道穆章皇后父也高尚寡欲弱冠知名州府
交辟不就兄充爲驃騎將軍勸其令仕準曰第五之名

何減驃騎準兄弟中第五故有此言充居宰輔之重權
傾一時準散帶衡門不及人事唯誦佛經修營塔廟而
已徵拜散騎侍郎不起年四十七卒升平元年追贈金
紫光祿大夫封晉興縣侯子惔以父素行高潔表讓不
受三子放惔澄放繼充惔官至南康太守早卒惔子元
度西陽太守次叔度太常卿尚書澄字季玄起家祕書
郎轉丞清正有器望累遷祕書監太常中護軍孝武帝
深愛之以爲冠軍將軍吳國內史太元末琅邪王出居
外第妙選師傅徵拜尚書領琅邪王師安帝即位遷尚

書左僕射典選王師如故時澄以脚疾固讓特聽不朝
坐家視事又領本州大中正及桓玄執政以疾奏免卒
于家安帝反正追贈金紫光祿大夫張子籍早卒次子
融元熙中爲大司農

王濛字仲祖哀靖皇后父也曾祖黯歷位尚書祖佑北
軍中候父訥新淦令濛少時放縱不羈不爲鄉曲所齒
晚節克己勵行有風流美譽虛己應物恕而後行莫不
敬愛焉事諸母甚謹奉祿資其產常推厚居薄喜愠不形
於色不脩小潔而以清約見稱善隸書美姿容嘗覽鏡

自照稱其父字曰王文開生如此兒邪居貧帽敗自入
市買之媪悅其貌遺以新帽時人以其爲達與沛國劉惔
齊名友善惔嘗稱濛性至通而自然有節濛每云劉君
知我勝我自知時人以惔方荀奉倩濛比袁曜鄉凡稱
風流者舉濛惔爲宗焉司徒王導辟爲掾導復引匡術
弟孝濛致牋於導曰開國承家小人勿用公杖德義以
尹天下方將澄清彝倫崇重名器夫軍國殊用文武異
容豈可令涇渭混流麴清穆之風何以允答具贍儀刑
海內導不答後出補長山令復爲司徒左西屬濛以此

職有譴則應受杖固辭詔爲傳罰猶不就徙中書郎簡文帝之爲會稽王也嘗與孫綽商畧諾風流人綽言劉惔清蔚簡令王濛溫潤恬和桓溫高爽邁出謝尚清易令達而濛性和暢能言理辭簡而有會及簡文帝輔政益貴幸之與劉惔號爲入室之賓轉司徒左長史晚求爲東陽不許及濛病乃恨不用之濛聞之曰人言會稽王疾竟瘳也疾漸篤於燈下轉麈尾視之歎曰如此人曾不得四十年也年三十九卒臨殯劉惔以犀祀麈尾置棺中因慟絕久之謝安亦嘗稱美濛云王長史語甚不多可謂有令音有二子脩蘊脩字敬仁小字荀子明秀有美稱善隸書號曰流弈清舉年十二作賢全論濛以示劉惔曰敬仁此論便足以參微言起家著作郎琅邪王文學轉中軍司馬未拜而卒年四十二臨終歎曰無媿古人年與之齊矣

王遐字桓子簡順皇后父驃騎將軍述之從叔也少以華族仕至光祿勳寧康初追贈特進光祿大夫加散騎常侍謚曰靖長子恪領軍將軍恪子欣之豫章太守秩中二千石欣之弟懽之廣州刺史遐少子臻崇德衛尉

王蘊字叔仁孝武定皇后父司徒左長史濛之子也起家著作郎累遷尚書吏部郎性平和不抑寒素每一官缺求者十輩蘊無所是非時簡文帝爲會稽王輔政蘊輒連狀白之曰某人地某人材務存進退各隨其方故不得者無怨焉補吳興太守甚有德政屬郡荒人飢輒開倉贍卹主簿執諫請先列表上待報蘊曰今百姓嗷然路有飢饉若表上須報何以救將死之命乎專輒之愆罪在太守且行仁義而敗無所恨也於是大賑貸之賴蘊全者十七八焉朝廷以違科免蘊官士庶詣

闕訟之詔特左降晉陵太守復有惠化百姓歌之定后立以后父遷光祿大夫領五兵尚書本州大中正封建昌縣侯蘊以恩澤賜爵非三代令典固辭不受朝廷敦勸終不肯拜乃授都督京口諸軍事左將軍徐州刺史假節復固讓謝安謂蘊曰卿居后父之重不應妄自菲薄以虧時遇宜依褚公故事但令在貴權於事不事耳可暫臨此任以紓國恩之重於是乃受命鎮于京口頃之徵拜尚書左僕射將軍如故遷丹楊尹即本軍號加散騎常侍蘊以姻戚不欲在內苦求外出復以爲都督

浙江東五郡鎮軍將軍會稽內史常侍如故蘊素嗜酒
末年尤甚及在會稽畧少醒日然猶以和簡為百姓所
悅時王悅來拜墓蘊子恭往省之素相善遂留十餘日
方還蘊問其故恭曰與阿太語蟬連不得歸蘊曰恐阿
太非汝之友阿太悅小字也後竟乖初好時以為知人
太元九年卒年五十五追贈左光祿大夫開府儀同三
司長子華早卒次子恭在列傳恭弟爽字季明彊正有
志力歷給事黃門侍郎侍中孝武帝崩王國寶夜欲開
門入為遺詔爽距之曰大行晏駕皇太子未至敢入者
斬乃止爽嘗與會稽王道子飲道子醉呼爽為小子爽
曰亡祖長史與簡文皇帝為布衣之交亡姑士姊伉儷
二宮何小子之有及國寶執權免爽官後兄恭再起事
並以爽為寧朔將軍參預國事恭敗被誅
褚爽字弘茂小字期生恭思皇后父也祖哀父歆爽少
有令稱謝安甚重之嘗曰若期生不佳我不復論士矣
為義興太守早卒以后父追贈金紫光祿大夫爽子秀
之淡之裕之義熙中並歷大官宋史有傳

後魏

通志後魏本傳一
賀訥代人道武皇帝之舅獻明后之兄也其先世爲君
長四方附國有數十部祖紇始有勲於國尚平文女父
野干尚昭成女遼西公主及昭成崩諸部乖亂獻明后
與道武及衛秦二王往依訥會符堅使劉庫仁分攝國
事於是道武還居獨孤部訥總攝東部爲大人遷居大
審行其恩信衆多歸之盛於庫仁符堅假訥鷹揚將軍
後劉顯謀逆道武輕騎歸訥訥見而驚喜拜曰官家復
國之後當念老臣帝笑曰誠如舅言要不忘也訥中弟
深干麤暴忌帝常圖爲逆每爲皇姑遼西公主擁護故

深干不得肆其禍焉諸部大人請訥兄弟求舉道武爲
主深干曰在我國中何得爾也訥曰大國興復先業於
我國中我國之福也遂與諸大人勸進道武登代王位
于牛川及帝討吐突隣部訥兄弟遂懷異圖率諸部救
之帝擊之大潰訥西遷衛辰遣子直力鞬征訥訥告急
請降道武簡精騎二十萬救之遂徙訥部落及諸弟處
之東偏訥又通於慕容垂垂以訥爲歸善王深干謀殺
訥而代立訥遂與深干相攻垂遣子麟討之敗深干於
牛都破訥於赤城道武遣師救訥麟乃引退訥從道武

平中原拜安遠將軍其後離散諸部分土定居不聽遷徙其君長大人皆同編戶訥以元舅稍見尊重然無所統領以壽終於家訥弟盧亦從

公帝遣盧會衛王儀伐鄴而盧自以帝之季舅不肯受儀節度帝遣使切責之盧遂憤恨與儀司馬丁建構成其嫌彌加猜忌會道武勅儀去鄴盧亦引歸道武以盧為廣川太守盧性雄豪耻居冀州刺史王輔下襲殺輔奔慕容德德以為并州刺史廣寧王廣固敗盧亦沒訥從父弟悅初道武之居賀蘭部也人情未甚附唯悅舉

部隨從又密為帝祈禱天神請成大業出於誠至帝嘉之甚見寵待後平中原以功賜爵鉅鹿縣侯進爵北新公卒子泥襲爵後降為肥如侯道武崩京師草草泥出舉烽於安陽城北賀蘭部人皆往赴之明元即位乃罷詔泥與元渾等八人拾遺左右與北新侯安同持節行并定二州劾奏并州刺史元六頭等皆伏罪州郡肅然後從太武征赫連昌以功進爵為琅邪公軍國大事並參預焉又征蠕蠕為別道將坐逐賊不進詐增虜級當斬贖為庶人久之拜光祿勳為外都大官復本爵卒官

子醜建襲

姚黃眉姚興之子明元昭哀皇后之弟也姚泓滅黃眉
聞來歸魏明元厚禮待之賜爵隴西公尚陽翟公主拜
駙馬都尉隸戶二百太武即位遷內都大官後拜太常
卿卒贈雍州刺史隴西王謚曰獻陪葬金陵黃眉寬和
溫厚希言得失太武悼惜之故贈禮有加焉

杜超字祖仁魏郡鄴人密皇后之兄也少有節操泰恒
中爲相州別駕始光中太武思念舅氏以超爲陽平公
尚南安長公主拜駙馬都尉位大鴻臚卿車駕幸其第

賞賜巨萬神麇三年以超行征南大將軍太宰進爵爲
王鎮鄴追加超父豹鎮東大將軍陽平景王母曰鉅鹿
惠君真君五年超爲帳下所害太武臨其喪哀慟久之
謚曰威王長子道生賜爵城陽侯後爲秦州刺史進爵
河東公道生弟鳳皇襲超爵侍中特進太武追思超不
已欲以鳳皇爲定州刺史鳳皇不願違離闕庭乃止鳳
皇弟道雋賜爵發干侯鎮枋頭除兗州刺史超旣薨復
授超從弟遺侍中安南將軍開府相州刺史入爲內都
大官進爵廣平王遺性忠厚頻歷州郡所在著稱薨贈

太傅謚曰宣王長子元寶位司空元寶弟胤寶司隸校尉元寶又進爵京兆王及歸而父遺喪明當入謝元寶欲以表聞文成未知遺夢怪其不至召之元寶將入時人止之曰宜以家憂勿往元寶欲見其寵不從遂冒哀而入未幾以謀反伏誅親從皆斬唯元寶子世衝逃免時朝議欲追削超爵位中書令高允上表理之後兗州故吏汲宗等以道僞遺惠在人前從坐削爵受誅委骸土壤求得收葬書奏詔義而聽之贈散騎常侍安南將軍南康公謚曰昭世衝襲遺公爵

賀迷代人太武敬哀皇后之從父也皇后生景穆初后少孤父兄近親唯迷故蒙賜爵長鄉子卒贈光祿大夫五原公

閻毗代人蠕蠕主大檀之親屬太武時自其國來降毗即恭皇后之兄也后生文成文成大安二年以毗為平北將軍賜爵河東公弟統為寧北將軍賜爵零陵公其年並加侍中進爵為王毗征東將軍評尚書事統征西將軍中都大官自餘子弟賜爵為王者二人公五人侯六人子三人同時受拜所以隆崇舅氏和平二年追謚

后祖父延定襄康公父辰定襄懿王毗薨贈太尉追贈
 毗妻河東王妃子惠襲統薨贈司空子豆後賜名莊太
 和中初立三長以莊為定戶籍大使甚有時譽十六年
 例降爵後為七兵尚書卒統弟深位外都大官冀州刺
 史江夏公卒先是文成以乳母常氏有保護功既即尊
 位尊為保太后後尊為皇太后興安二年太后前兄
 字世華自肥如令超為散騎常侍鎮軍大將軍賜爵
 西公弟喜鎮軍大將軍祠曹尚書帶方公三妹皆封
 君妹夫王睹為平州刺史遼東公追贈英祖父苻堅

風太守亥為鎮西將軍遼西簡公父渤海太守澄為侍
 中征東大將軍太宰遼西獻王英母許氏博陵郡公遣
 兼太常盧度世持節改葬獻王於遼西樹碑立廟置守
 冢百家太安初英為侍中征東大將軍太宰進爵為王
 喜左光祿大夫改封燕郡從兄訢為安東將軍朝鮮侯
 訢子伯夫散騎常侍選部尚書次子真金部尚書喜子
 振太子庶子三年英領太師評尚書事內都大官伏寶
 泰等州刺史五年詔以太后母宋氏為遼西王太妃和
 平元年喜為洛州刺史初英事宋不能謹而睹奉宋甚

至就食於和龍無車牛宋疲不能進睹負宋於笈至是
宋於英等薄不如睹之篤謂太后曰何不王睹而黜英
太后曰英爲長兄門戶主也家內小小不順何足追計
睹雖盡力故是他姓柰何在英上本州郡公亦足報矣
天安中英爲平州刺史訢爲幽州刺史伯夫進爵范陽
公英濁貨徙敦煌諸常自興安至是皆以親疏受爵賜
田宅時爲隆盛後伯夫爲洛州刺史以贓汚欺妄徵斬
於京都承明元年徵英復官薨謚遼西平王始英之徵
也夢日墜其所居黃山下水中村人以牛車挽致不能
出英獨抱載而歸聞者異之後負與伯夫子禽可共爲
飛書誣謗朝政事發有司執憲刑及五族孝文以文明
太后故罪止一門訢年老赦免歸家恕其孫一人扶養
又給奴婢田宅其家僮没入者百人金錦布帛數萬計
賜尚書已下宿衛已上其女壻及親從在朝皆免歸本
鄉十一年孝文文明太后以文昭太后故悉出其家前
後没入子女以喜子振試守正平郡卒

馮熙字晉昌長樂信都人文明太后之兄也祖弘北燕
主太武平遼海熙父朗內徙官至秦雍二州刺史遼西

郡公坐事誅文明太后臨朝追贈假黃鉞太宰燕宣王
立廟長安熙生於長安爲姚氏魏母所養以叔父樂陵
公邈因戰入蠕蠕魏母攜熙逃避至氐羌中撫育年十
二好弓馬有勇幹氐羌皆歸附之魏母惡其如此將還
長安始就博士學問從師授孝經論語好陰陽兵法事
及長游華陰河東二郡間性汎愛不拘小節人無士庶
來則納之取人子女爲奴婢有容色者幸之爲妾有子
女數十人號爲貧縱文明太后既貴使人訪知熙所在
徵赴京師拜冠軍將軍賜爵肥如侯尚景穆女博陵長

公主拜駙馬都尉出爲定州刺史進爵昌黎王獻文即
位遷太傅累拜內都大官孝文即位文明太后臨朝王
公貴人登進者衆帝乃承旨以熙爲侍中太師中書監
領祕書事熙以頻獲師傅又中宮之寵爲群情所駭心
不自安乞轉外任文明太后亦以爲然於是除車騎大
將軍開府都督洛州刺史餘如故洛陽雖經破亂而舊
三字石經宛然猶在至熙與常伯夫相繼爲州廢毀分
用大至頽落熙爲政不能仁厚而崇佛法自出家財在
諸州鎮建圖精舍七十二處寫十六部一切經延致名

德沙門日與講論精勤不倦所費亦不貲而所營塔寺
多在高山秀阜傷殺人牛有沙門勸止之熙曰成就之
後人唯見佛圖焉豈知殺人牛也其北芒寺碑文中書
侍郎賈元壽之辭孝文頻登北芒寺親讀碑文稱為嘉
作熙求入朝授內都大官太師如故熙事魏母孝謹如
事所生魏母卒乃散髮徒跣水漿不入口三日詔不聽
服熙表求依趙氏之孤帝以熙情難奪聽服齊衰期後
以例降改封京兆郡公帝納其女為后曰白虎通云王
所不臣數有三焉妻之父母抑言其一此所謂供奉宗

廟不欲奪私心然吾孝著於春秋無臣證於往牒既許通
體之一用開至尊之敬此長秋配極陰政既敷未聞有
司陳奏斯式可詔太師輒從臣禮又勒集書造儀付外
孝文前後納熙三女二為后一為昭儀由是馮氏寵貴
益厚賞賜累鉅萬帝每詔熙上書不臣入朝不拜熙上
書如舊熙於後遇疾綿寢四載詔遣醫問道路相望車
駕亦數臨幸焉將遷洛帝親與熙別見其困篤歔歔流
涕密勅宕昌公主曰太師萬一不幸即可監護喪事十
九年薨於代車駕在淮南留臺表聞還至徐州乃舉哀

爲制總服詔有司豫辦凶儀并開魏京之墓令公主之
柩俱向伊洛凡所營送皆公家爲備又勅代都給綵帛
前後六千匹以供凶用皇后詣都赴哭太子恂亦赴代
哭及將葬贈黃鉞侍中都督十州諸軍事大司馬太尉
冀州刺史加黃屋左纁備九錫前後部羽葆鼓吹皆依
晉太宰安平獻王故事有司奏謚詔曰可以威彊恢遠
曰武奉謚於公柩至洛七里澗帝服纓往迎叩靈悲慟而
拜焉葬日送臨墓所親作銘誌主生二子誕脩誕字思
正脩字寶業皆姿質妍麗年財十餘文明太后俱引入

禁中申以教誡然不能習讀經史兄弟並無學術徒整
飾儀容寬雅恭謹而已誕與孝文同歲幼侍書學仍蒙
親待尚帝妹樂安長公主拜駙馬都尉侍中征西大將
軍南平王脩侍中鎮北大將軍尚書東平公又除誕儀
曹尚書知殿中事及罷庶姓王誕爲侍中都督中外諸
軍事中軍將軍特進改封長樂郡公誕拜官孝文立於
庭遙受其拜既訖還室脩降爲侯誕脩雖並長宮禁而
性趣乖別誕性溫篤脩乃浮競誕亦未能誨督其過然
時言於太后考之嚴責之至於捶楚由是陰懷毒恨遂

結左右有憾於誕者求藥欲因食害誕事覺帝自詰之
具得情狀誕引過謝乞全脩命帝以誕父老又重其意
不致於法撻之百餘黜爲平城百姓脩妻司空穆亮女
也求離婚請免官帝引管蔡事皆不許帝寵誕仍陰與
同輿而載同案而食同席坐卧彭城王勰北海王詳雖
直禁中然親近不及十六年以誕爲司徒帝旣愛誕除
官日親爲制三讓表并啓將拜又爲其章謝尋加車騎
大將軍太子太師十八年帝謂其無師傅贊導風誕深
自誨責從駕南伐十九年至鍾離誕遇疾不能侍從帝

日省問醫藥備加帝銳意臨江乃命六軍發鍾離南轍
與誕泣訣左右皆莫不掩涕時誕已愀然彊坐視帝悲
而淚不能下言夢太后來呼臣帝嗚咽執手而出遂行
是日去鍾離去五十里許昏時告誕慶問帝哀不自勝
時崔慧景裴叔業軍在中淮去所次不過百里帝乃輕
駕西還從者數千人夜至誕薨所拊尸哀慟若喪至戚
達旦聲淚不絕從者亦迭舉音帝以所服衣帽充襚親
自臨視徹樂去膳宣勅六軍止臨江之駕帝親北渡慟
哭極哀喪至洛陽車駕猶在鍾離詔留守賜賻物布帛

五千匹穀五千斛以供葬事贈假黃鉞使持節大司馬
領司徒侍中都督太師駙馬公如故加以殊禮備錫九
命依晉大司馬齊王攸故事有司奏謚詔曰案謚法主
善行德曰元柔克有光曰懿昔貞惠兼美受二謚之榮
忠武雙徽錫兩號之茂式準前訓宜契具瞻既自少綱
繆知之惟朕案行定名可謚曰元懿帝又親爲作碑文
及挽歌詞皆窮美盡哀事過其厚車駕還京遂親至誕
墓停車而哭使彭城王勰詔羣官脫朱衣服單衣介幘
而哭司徒貴者示以朋友微者示如寮佐公主貞厚有

禮度產二男長子穆字孝和襲熙爵避皇子愉封改封
扶風郡公尚孝文女順陽長公主拜駙馬都尉歷負外
通直散騎常侍穆與叔輔興不和輔興亡贈相州刺史
祖載在庭而穆方高車良馬恭受職命言宴滿堂忻笑
自若爲御史中尉東平王匡所劾後位金紫光祿大夫
遇害河陰贈司空雍州刺史子罔字景昭襲爵昌黎王
尋以庶姓罷王仍襲扶風郡公子峭字子漢齊受禪例
降穆弟顥襲父誕長樂郡公脩弟聿字寶興廢皇后同
產兄也位黃門郎信都伯後坐妹廢免爲長樂百姓宣

通志後魏外傳一
武時卒於河南尹聿同產弟風幼養於宮文明太后特
加愛念數歲賜爵至北平王拜太子中庶子出入禁闥
寵侔二兄孝文親政後恩寵稍衰降爵爲侯幽后立乃
復叙用后死亦宥散卒贈青州刺史崔光之兼黃門也
與聿俱直光每謂之曰君家富貴太盛終必衰敗聿云
我家何負四海乃呪我也光云以古推之不可不慎時
熙爲太保誕司徒太子太傅脩侍中尚書聿黃門廢后
在位禮愛未弛是後歲餘脩以罪棄熙誕喪亡后廢聿
退時人以爲盛必衰也

李惠中山人思皇后之父也父蓋少知名歷位殿中都
官尚書左將軍南郡公初太武妹武威長公主故涼王
沮渠牧犍之妻太武平涼州頗以公主通密計之助故
寵遇差隆詔蓋尚焉蓋妻興氏以是而出是後蓋加侍
中駙馬都尉殿中都官尚書右僕射卒官贈征南大將
軍定州刺史中山王謚曰莊惠弱冠襲父爵妻襄城王
韓頽女生二女長即后也惠歷位散騎常侍侍中征西
大將軍秦益二州刺史進爵爲王轉雍州刺史征南大
將軍加長安鎮大將惠長於思察雍州聽事有並爭巢

關已累日惠令人掩獲試命綱紀斷之並辭惠乃使卒以弱竹彈兩鷲既而一去一留惠笑謂吏屬曰此留者自計爲巢功重彼去者既經楚痛理無固心羣下伏其深察人有負鹽負薪者同釋重擔息樹陰二人將行爭一羊皮各言籍背之物惠遣爭者出顧州綱紀曰此羊皮可搗知主乎羣下咸無答者惠令人置羊皮席上以杖擊之見少鹽屑曰得其實矣使爭者視之負薪者乃伏而就罪凡所察究多如此類由是吏人莫敢欺犯後爲開府儀同三司青州刺史王如故歷政有美績惠素爲

文明太后所忌誣惠將南叛誅之惠二弟初樂與惠諸子同戮後妻梁氏亦死青州盡沒其家財惠本無學故天下冤惜之惠從弟鳳爲定州刺史長樂王主簿後長樂以罪賜死時卜筮者河間邢瓚辭引鳳云長樂不軌鳳爲謀主伏誅唯鳳弟道念及兄弟之子皆逃免後遇赦乃出太和十二年孝文將爵舅氏詔訪存者而惠諸從以再離孥戮難於應命唯道念敢先詣闕乃由后妹及鳳兄弟子女之存者於是賜鳳子屯爵柏人侯安祖浮陽侯興祖安喜侯道念貞定侯從弟寄生高邑子皆

加將軍十五年安祖昆弟四人以外戚蒙見詔謂曰卿
之先世內外有犯得罪於時然官必用材以親非與邦
之選外氏之寵超於末葉從今已後自非竒才不復得
外戚謬班抽舉既無殊能今且可還後例降爵安祖等
改侯爲伯並去軍號帝奉馮氏過厚於李氏過薄舅家
了無叙用朝野人士所以竊議太常高閭顯言于禁中
及宣武寵隆外家並居顯位乃惟孝文舅氏存已不霑
恩澤景明末特詔興祖爲中山太守正始初詔追崇惠
爲使持節驃騎將軍開府儀同三司定州刺史中山公

太常奏謚上言案謚法武而不遂曰壯謚曰壯公興祖
自中山遷燕州刺史卒以兄安祖子侃晞爲後襲先封
南郡王後以庶姓罷王改爲博陵郡公侃晞爲莊帝所
親幸拜散騎常侍嘗食與御帝之園爾朱榮侃晞與魯
安等持刃於禁內殺榮及莊帝蒙塵侃晞奔梁

高肇字首文文昭皇太后之兄也自云本渤海脩人五
世祖顧晉永嘉中避亂入高麗父颺字法脩孝文初與
弟乘信及其鄉人韓內異富等入魏拜厲威將軍河間
子乘信明威將軍俱待以客禮遂納颺女是爲文昭皇

右生宣武颺卒景明初宣武追思舅氏徵肇兄弟等錄
尚書事北海王詳等奏颺宜贈左光祿大夫賜爵渤海
公謚曰敬其妻蓋氏宜追封清河郡君詔可又詔颺嫡
孫猛襲渤海公爵封肇平原公肇弟顯澄城郡公三人
同日受封始宣武未與舅氏相接將拜爵乃賜衣幘引
見肇顯于華林都亭皆甚惶懼舉動失儀數日之間貴
富赫奕是年咸陽王禧誅財物珍寶奴婢田宅多入高
氏未幾肇遂爲尚書右僕射冀州大中正尚宣武姑高
平公主遷尚書令領吏部肇出自夷士時望輕之及在

位若耍留心百揆孜孜無倦世咸謂之爲能宣武初六
輔專政後以咸陽王禧無事構逆由是遂委信於肇肇
旣無親族頗結朋黨附之者旬月超昇背之者陷以大
罪以北海王詳位居其上構殺之又說宣武防衛諸王
殆同囚禁時順皇后暴崩世言肇爲之皇子昌薨僉謂
王顯失於醫療承肇意旨及京兆王愉出爲冀州刺史
畏肇恣擅遂至不軌肇又譖殺彭城王勰由是朝野側
目咸畏惡之因此專權與奪任已又嘗與清河王懌於
雲龍門外廡下忽忿諍大至紛紛太尉高陽王雍和止

之高后既立愈見寵信肇既當衡軸每事任己本無學識動違禮度好改先朝舊制減削封秩抑黜勳人由是怨聲盈路矣延昌初遷司徒雖貴登台鼎猶以去要快怏形于辭色衆咸嗤笑之父兄封贈雖久竟不改瘞三年乃詔令遷葬肇不自臨赴唯遣其兄子猛改服詣代遷葬於鄉時人以肇無識哂而不責也及大舉征蜀以肇爲大將軍都督諸軍爲之節度與都督甄琛等二十餘人俱面辭宣武於東堂親奉規畧是日肇所乘驄馬停於神虎門外無故驚倒轉卧渠中肇具瓦解衆咸怪

異肇出惡焉四年宣武崩赦罷征軍明帝與肇及征南將軍元遙等書稱諱言以告凶問肇承變非唯仰慕亦憂身禍朝夕悲泣至于羸悴將至宿瀍澗驛亭家人夜迎省皆不相視直至闕下衰服號哭還昇太極殿奉喪盡哀太尉高陽王先居西柏堂專決庶事與領軍于忠密欲除之潛備壯士直寢邢豹伊益生等十餘人於舍人省下肇哭梓宮訖於百官前引入西廊清河王懌任城王澄及諸王等皆竊言目之肇入省壯士搤而拉殺之下詔暴其罪惡稱爲自盡自餘親黨悉無追問削除

職爵葬以士禮逮昏乃於廁門出其尸歸家初肇西征
行至函谷車軸中折從者皆以為不獲吉還也靈太后
臨朝令特贈營州刺史永熙二年孝武帝贈使持節侍
中中外諸軍事太師大丞相太尉公錄尚書事冀州刺
史肇子植自中書侍郎為濟州刺史率州兵討破元愉
別將有功當蒙封賞不受云家荷重恩為國致効是其
常節何足以膺進陟之報懇惻發於至誠歷青相朝恒
四州刺史卒植頻蒞五州皆以清能著稱當時號為良
刺史贈安北將軍冀州刺史肇長兄琨早卒襲颺封渤海

海郡公贈都督五州諸軍事鎮東大將軍冀州刺史詔
其子猛嗣猛字豹兒尚長樂公主即宣武同母妹也拜
駙馬都尉歷位中書令出為雍州刺史有能名入為殿
中尚書卒贈司空冀州刺史孝武帝時復贈太師大丞
相錄尚書事公主無子猛先在外有男不敢令主知臨
終方言之年幾三十矣乃召為喪主尋卒無後琨弟偃
字仲游太和十年卒正始中贈安東將軍都督青州刺
史謚曰莊侯景明四年宣武納其女為貴嬪及于順皇
后崩永平元年立為皇后二年八坐奏封后母王氏為

武邑郡君偃弟壽早卒壽弟即肇也肇弟顯侍中高麗
國大中正早卒

胡國珍字世王安定臨涇人也祖略姚興勃海公姚達
平北府諮議參軍父深赫連屈丐給事黃門侍郎太武
克統萬深以降款之功賜爵武始侯後拜河州刺史國
珍少好學雅尚清儉太和十五年襲爵例降爲伯女以
選入掖庭生明帝即靈太后也孝明帝踐阼以國珍爲
光祿大夫靈太后臨朝加侍中封安定郡公追崇國珍
妻皇甫氏爲京兆郡君置守冢十戶尚書令任城王澄

奏安定公宜出入禁中參諮大務詔屈公入決萬機尋
進位中書監儀同三司侍中如故賜絹歲八百匹妻梁
四百匹男女姊妹各有差國珍與太師高陽王雍太傅
清河王懌太保廣平王懷入居門下同釐庶政詔依漢
車千秋晉安平王故事給步挽一乘自掖門至于宣光
殿得以出入并備几杖後與侍中崔光俱授帝經侍直
禁中國珍上表陳刑政之宜詔皆施行熙平中加國珍
使持節都督雍州刺史驃騎大將軍開府靈太后以國
珍年老不欲令其在外且欲示以方面之榮竟不行遷

通志後魏列傳一
司徒公侍中如故就宅拜之靈太后明帝率百寮幸其
第宴會極歡又追尊京兆郡君為秦太上君太上君景
明三年薨於洛陽於此十六年矣太后以太上君墳瘞
卑局更增廣為起塋域門闕碑表侍中崔光等奏按漢
高祖母始謚曰昭靈夫人後為昭靈后薄太后母曰靈
文夫人皆置園邑三百家長丞奉守今秦太上君未有
尊謚陵寢孤立即秦君名宜上終稱兼設埽衛以慰情
典請上尊謚曰孝穆權置園邑三十戶立長丞奉守
后從之封國珍繼室梁氏為趙平郡君元義妻拜為

侍中封新平郡君又徙封馮翊君國珍子祥妻長安縣
公主即清河王懌女也國珍年雖篤老而雅敬佛法時
事潔齋自禮拜至於出入侍從猶能跨馬據鞍神龜元
年四月七日步從所建佛像發第至閭闔門四五里八
口又立觀像晚乃肯坐勞熱增甚因遂寢疾靈太后親
侍藥膳十二日薨年八十給東園溫明祕器五時朝服
各一具衣一襲贈布三千匹錢一百萬蠟千斤大鴻臚
持節監護喪事太后還宮成服於九龍殿遂居九龍寢
室明帝服小功服舉哀於太極東堂又詔自始薨至七

七皆爲設千僧齋齋令七人出家百日設萬人齋二七
人出家先是巫覡言將有凶勸令爲厭勝法國珍拒而
不從云吉凶有定分唯脩德以禳之臨死與太后訣云
母子善臨天下殷勤至於再三又及其子祥云我唯有
子死後勿如此來以威抑之靈太后以其好戲時加
威訓國珍故以爲言始國珍欲就祖父西葬舊鄉後緣
前世諾胡多在洛葬有終洛之心崔光嘗對太后前問
國珍云國公萬年後爲在此安厝爲歸長安國珍言當
葬天子山陵及病危太后請以後事竟言還安定語

遂怛心太后問清河王懌與崔光等議去留懌等皆以
病亂請從先言太后猶記崔光昔與國珍言遂營墓於
洛陽太后雖外從衆議而深追臨終之語云我公之遠
慕二親亦吾之思父母也追崇假黃鉞使持節侍中相
國都督中外諸軍事太師領太尉公司州牧制號太上
秦公加九錫葬以殊禮給九旒鑿輅虎賁班劍百人前
後部羽葆鼓吹輜輶車謚曰文宣公賜物三千段粟一
千五百石又詔贈國珍祖父父兄下逮從子皆有封職
持節就安定監護喪事靈太后迎太上君神柩還第與

國珍俱葬贈祔一與國珍同及國珍神主入廟詔太常
權給以軒縣之樂六佾之舞初國珍無男養兄真子僧
汎為後後納趙平君生子祥字元吉襲封故事世襲例
皆減邑唯祥獨得全封趙平君薨給東園祕器明帝服
小功服舉哀于東堂靈太后服齊衰朞葬於太上君墓
左不得祔合祥歷位殿中尚書中書監侍中改封平涼
郡公薨贈開府儀同三司雍州刺史謚曰孝景僧汎字
湛輝封爰德縣公位中書監侍中改封濮陽郡公僧汎
自永安後廢棄不預朝政天平四年薨詔給東園祕器

贈太師太尉公錄尚書事雍州刺史謚曰孝真長子寧
字惠歸襲國珍先爵改為臨涇伯後進為公歷岐涇二
州刺史卒謚曰孝穆女為清河王竇妃生孝靜皇帝武
定初贈太師太尉公錄尚書事謚曰孝昭子虔字僧敬
元義之廢靈太后虔時為千牛備身與備身張車渠等
謀義事發義殺車渠等虔坐遠徙靈太后反政徵為吏
部郎中太后好以家人禮與親族宴戲虔嘗致諫由是
後宴謹多不預焉出為涇州刺史封安陽縣侯興和三
年以帝元舅超遷司空公薨贈太傅太尉公尚書僕射

徐州刺史謚曰宣葬日百官會葬乘輿送於郭外子長
粲仕齊累遷章武太守為政清靜頗得民和除兼并省
尚書左丞當官正色無所迴避尚書左僕射趙彥深密
勿樞要中書舍人裴澤便蕃左右以殿門受拜皆彈糾
之彥深等頗有恨言長粲不以介意後主踐阼長粲被
勅與黃門馮子琮出入禁中專典敷奏武成還鄴後主
在晉陽長粲仍受委留後後主從武成還鄴仍勅在京
省判度支尚書監議五禮武成崩與領軍婁定遠錄尚
書趙彥深左僕射和士開高文遙領軍綦連猛高阿那

肱僕射唐邕同知朝政時人號為八貴於後定遠文遙
並出唐邕專典外兵綦連猛阿那肱別總武任長粲常在
左右兼宣詔令從幸晉陽後主富於春秋庶事皆相歸
委長粲盡心毗奉甚得名譽又正為侍中丁母憂給假
馳驛奔喪尋有詔起復前任隴東王長仁心欲入處機
要之地為執政不許長仁疑長粲通謀大以為恨遂言
於太后發其陰私請出為州太后為言於後主後主不
得已從焉除趙州刺史及辭長粲眷戀流涕後主亦憫
然慰勉之至州存心政事為吏民所懷因沐髮手不得

舉失瘖卒後主聞而傷悼在朝文武嗟嘆咸惜之贈司空公尚書左僕射瀛州刺史謚文貞公長粲性溫雅在官清潔但始居要密便爲子叔泉取清河崔德儉女爲妻在晉陽處分用妻弟王逖與德儉對爲司徒主簿時論以此譏之又性好內有一侍婢其妻王驕妬手刺殺之爲此忿恨數年不相見親表爲之語曰自我不見于今三年後納妾李氏又與王別宅亦無朝拜之禮釐婦公孫氏已殺三夫長粲不信彊取之令與李氏同住未暮而亡子仲操位陳留太守次叔泉通直散騎侍郎先

是望氣者上言太白食昴法當大赦和士開奏聞詔降罪人以應之尚書左僕射徐之才諳練往事語士開曰天垂象見吉凶有成災者有不成災者案昴趙分或可趙地有災古者王侯各在封邑故分野有災當其君長今吾等虛名竟不之國刺史專令一境善惡所歸比來多以刺史爲驗未幾而長粲死焉寧弟盛字歸興位左衛將軍賜爵江陽男歷幽瀛二州刺史爲政清靜民吏懷之轉冀州刺史卒贈司徒公錄尚書事定州刺史追封陽平郡公謚曰懿穆明帝後納其女爲皇太后舅皇

甫集妻集字元會一字文都安定朝那人封涇陽縣公
位儀同三司雍州刺史右衛大將軍贈侍中司空公謚
曰靜集弟度字文亮封安縣公累遷尚書左僕射領左
衛將軍度頑蔽每與人言自稱僕射時人方之毛嘉正
光初元義出之爲都督瀛州刺史度不願出頻表固辭
乃除右光祿大夫孝昌元年爲司空領軍將軍加侍中
元義之見出也恐朝夕誅滅度與妻陳氏多納其貨爲
之左右度無子養兄集子子熙爲子子熙嫂趙郡太守
裴他女他還京師度問他外何消息他曰行路所聞唯

道明公多取元義金帛遠近無不慨歎公宜戮此罪人
以謝天下陳氏聞而惡之又攝吏部事遷司徒兼尚書
令不拜尋轉太尉孜孜營利老而彌甚遷授之際皆自
請乞靈太后知其無用以舅氏難違之然所歷官最爲
貪蠹爾朱榮入洛西奔兄子華州刺史邕尋與邕爲人
所殺

楊騰弘農人文帝之舅也父貴琅邪郡守封華陰男騰
妹爲京兆王愉妃故騰得處貴游景明初襲爵後爲襄
城太守甚有聲稱文帝即位位開府儀同三司出鎮河

東薨贈司空雍州刺史謚曰貞襄子盛

乙弗繪河南洛陽人文帝皇后之兄也文帝即位開府儀同三司侍中中書監魏昌縣公又為吏部尚書

北齊

趙猛太安狄鄆人也姊為文穆皇帝繼室生趙郡公琛猛性方直頗有器幹齊神武舉義以預義勲封信都縣伯累遷南營州刺史卒贈司空公

胡長仁字孝隆安定臨涇人武成皇后長兄也父延之魏中書令兗州刺史太寧中贈司空公長仁以內戚歷

位尚書左僕射尚書令及武成崩參預朝政封隴東郡王左丞酈孝裕郎中陸仁惠盧元亮厚相結託長仁每上省孝裕必方駕而來省務既繁簿案堆積令史欲諮都坐者日有百數孝裕屏人私請朝退亦相隨仁惠元亮又伺閑而往停斷公事人號為三佞長仁私游友密處處追尋孝裕勸其求進和士開深疾之於是除孝裕為章武郡守元亮為淮南郡守仁惠為幽州長史孝裕又說長仁曰王陽卧疾和士開必來王因而殺之入見太后不過百日失官便代其處士開知其謀更徙孝裕

通志卷之九十一
六十一
為北營州建德郡守長仁每干執事求為領軍將相文武以主上富於春秋母后家不可專政故抑而不許以本官攝選長仁性好威福意猶未盡先是尚書胡長粲奏事內省長仁疑粲聞已苦請太后出之天統五年從駕自并還鄴夜發滏口帝以夜漏尚早停於路傍長仁後來謂是從行諸貴遂遣門客程牙馳驛呼問帝遣中尚食陳德信問是何人牙不答而走帝命左右追射之既而捉獲因令壯士撲之決馬鞭二百牙一宿便死士開因此遂令德信列長仁倚親驕豪無畏憚由是除齊

州刺史及辭於昭陽列位引見長仁不敢發語唯泣涕橫流到任啓求暫歸并司不為奏長仁怨憤謀令冀州人李楷牆刺和士聞其弟長咸告之士開密與祖孝徵議之孝徵引漢文帝殺薄昭為故事於是勅遣張固劉桃枝馳驛詣齊州責長仁謀害宰相遂賜死先是太白食昂占者曰昂為趙分不利胡王長仁未幾死長仁性好歌舞飲酒至數斗不亂自至齊州每進酒後必長歎歡歎流涕不自勝左右莫不怪之尋而後主納長仁女為后重加贈長仁子君璧龍襲爵隴東王君璧弟君璋及

長仁弟長雍等前後七人並賜爵合門貴盛后廢後稍
稍黜退焉

隋

高祖外家呂氏其族蓋微平齊之後求訪不知所在至
開皇初濟南郡上言有男子呂永吉自稱有姑字苦桃
嫁爲楊忠妻勘驗知是舅子始追贈外祖雙周爲上柱
國太尉八州諸軍事青州刺史封齊郡公謚曰敬外祖
母姚氏爲齊敬公夫人詔並改葬於齊州立廟置守家
以永吉襲爵留在京師及大業中授上黨郡太守性識

庸劣職務不理後去官不知所終永吉從父道貴性尤
頑駭言詞陋鄙初自鄉里徵入長安上見之悲泣道貴
畧無戚容悻連呼帝名云種末定不可偷大似苦桃姊
後以數犯忌諱動致違忤上甚耻之乃命高頴厚加供
給不許接對朝士拜上儀同出爲濟南太守令即之任
斷其入朝道貴還至本郡頗自崇重每與人言自稱皇
舅數將儀衛出入閭里從故人游宴庶僚咸苦之後郡
廢終于家子孫無聞焉

獨孤羅字羅仁雲中人也其先爲部落大人父信周大

宗伯衛國公自有傳初信隨魏孝武入關中羅遂為高氏所囚及信為宇文護所誅羅始見釋寓居中山孤貧無以自給齊將獨孤承業以宗族故哀之為買田宅遺以資蓄信入關後復娶二妻郭氏生子六人善穆藏順隋整崔氏生高祖獻皇后及齊亡高祖為定州總管獻皇后遣人求羅得之相見悲不自勝侍御者皆泣於是厚遺車馬財物未幾周武帝以羅功臣子久淪異域徵拜楚安郡太守以疾去官歸京師諸弟見羅少長貧賤每輕侮不以兄禮事之羅性長者亦不與諸弟校競長

短后由是重之高帝為丞相拜羅儀同常置左右既受禪詔追贈羅父其諸弟以羅母沒齊先無夫人號不當承襲上以問后后曰羅誠嫡長不可誣也於是襲爵趙國公以其弟善為河內郡公穆為金泉縣公藏為虎牢縣公陔為武喜縣公整為千牛備身擢拜羅為左領將軍遷左衛將軍前後賞賜不可勝計出為涼州總管進位上柱國徵拜左武衛大將軍煬帝嗣位改封蜀國公未幾卒官謚曰恭子纂嗣位河陽都尉纂弟武都大業末為河陽都尉庶長子開遠字文化及之弒逆也裴虔

通率賊入成象殿宿衛兵士皆從逆開遠時爲千牛與
獨孤盛力戰閣下爲賊所執賊義而捨之善字伏陀幼
聰慧善騎射以父勲封魏寧縣公魏廢帝元年又以父
勲授驃騎大將軍開府儀同三司加侍中進爵長城郡
公周孝閔帝踐阼除河州刺史以父負豐父廢於家保
定三年乃授龍州刺史天和六年襲爵河內郡公從帝
東征以功授上開府尋除兗州刺史政在簡惠百姓安
之卒於州贈使持節柱國五州諸軍事定州刺史子覽
嗣位右候衛大將軍大業末卒陀字黎邪仕周晉附上

士坐父徙蜀十餘年宇文護誅始歸長安其外祖母高
氏先事猫鬼已殺其舅郭沙羅因轉入其家上微聞而
不信會獻皇后及楊素妻鄭氏俱有疾召醫視之皆曰
此猫鬼疾上也以陀后之異母弟陀妻楊素之異母妹由
是意陀所爲陰令其兄左監門郎將穆以情喻之上又
遣左右諷陀陀言無有上不悅左轉遷州刺史出怨言
上令左僕射高頴納言蘇威大理正皇甫孝緒大理丞
楊遠等雜按之陀婢徐阿尼言本從陀母家來常事猫
鬼每以子日夜祀之言子者鼠也其猫鬼每殺人所死

家財物潛移於畜猫鬼家陀嘗從家中索酒其妻曰無
錢可酤陀因謂阿尼曰可令猫鬼向越公家使我足錢
阿尼便呪之居數日猫鬼向素家後上初從并州還陀
於園中謂阿尼曰可令猫鬼向皇后所使多賜吾物阿
尼復呪之遂入官中揚遠乃於門下外省遣阿尼呼猫
鬼阿尼於是夜中置香粥一盆以匙扣而呼曰猫女可
來無住官中久之阿尼色正青若被牽拽者云猫鬼已
至上以其事下公卿竒章公牛弘曰祇由人興殺其人
可以絕矣上令犢車載陀夫妻將賜死於其家陀弟司
勳侍中整詣闕求哀於是免陀死除名以其妻楊氏爲
尼先是有人訟其母爲人猫鬼所殺者上以爲杖妾怒
而遣之及此詔誅被訟行猫鬼家陀未幾而卒煬帝即
位追念舅氏聽以禮葬乃下詔贈正議大夫帝意猶不已
復贈銀青光祿大夫二子延福延壽陀弟整位幽州刺
史太業初贈金紫光祿大夫平鄉侯

外戚傳第一

通志一百六十五

